

اداره مرکزی :

آنقره ده ، معارف امینلکک باشنده کی دائره
استانبول جاده سنده آنقره

استانبول بوردی :

استانبولده ، باب عالی جاده سنده ۸۷ نوبرده
دائره مخصوصه

حیات

میان راه میان ... دیار راهای هر حیات فانی ...

نسخه هبرده ۱۰ غرورده .

سنگی پوسته ایله ۵ لیرا .
(اجنبی مملکتلر ایچین ۵ دولار) .

ایوه و اعلان ایشلری ایچین استانبول بوردی
مراجعت ایدیلیر .
یازی ایشلرینک مرجعی آنقره مرکزیدر .

صافی : ۴۶

آنقره ، ۱۳ تشرین اول ، ۱۹۲۷

۲ نجی جلد

مصححه :

عصری کتبخانه لراحتیاجی

معارف و کالتی ، یارینکی کنجکک عالنده
حصوله کله جک پک مهم برفکر ، و ذکا انقلابک
حامل و مؤثرلری سسز صداسسز حاضرلامقله
مشغول اولویور : یونان ، لاتین ، انگلیز ،
آلمان ، فرانسه ، ایتالیا ، روس ، اسقاندیناوه ،
اسپانیول ادبیاتلرندن بر چوق کزیده اثرلرک
اک معتنا قسملری ترجمه ایتدیریلیور . دولت
مطبعه سی متدایاً بونلری طبع ایتکله مشغولدر .
لیسه پروغراملرنده کی تعدیلاتک ماهیتی « حیات »
قارئلرنجه مجهول ده کیلدر . ایشته بوتون بو حاضر-
لانا اثرلر بوسنده دن اعتباراً تورک کنجککک
اوکنه قونیلاجق . آرتیق چوققلرمز ،
تا قرون اولادن بوکونه قادر غربک کچیردیکی
ادبی تکامللری ، متلرنی اوقویارق آکلایاجقندر .
اعتراف ایتمه لی یزکه مکتبلرمز شیمدی به قادر
طلبه روحنه مطالعه ذوقنی تام و عمومی اولارق
ویره میوردی . بو ذوق تأمین ایدیه مه نجه مملکتده
« اوقویان آدام » متدارینک آز قالاچنی
درکاردی . حالبوکه یکی تورکیه ، وجوده کتیردیکی
مهم انقلابک تقویه سی احتیاجنده در .
بو احتیاجی ده تأمین ایچون یارینکی نسلی دنیا فکر
و ذکاسندن خبردار اولارق یتشدیرمک ، اوکا
اوقومق ذوقنی بر اعتیاد حالنده ویرمک
اضطرا رنده در . دوشونمه لی که بیکلرجه نسخه
باصیلان بو اثرلر آنادولوزک هر گوشه سنده کیده جک
هر تورک چوجوغنک آله کچه بیله جکدر . بو عزیز
طوپراقلر اوزرنده کزرنک اویله یرلره تصادف
ایتشدیم که اوج بش کتاب تدارک ایتک پک زور

بر ایشدی . و اویله چالیشقان خوجالره
کوروشمشدم که طلبه سنده توصیه ایده جک اثر
بولامادینی ایچون مضطرب و مأیوسدی . دیمک که
بودیار و دیارک سا کنلری اوقومغه محتاج و تشنه در .
اونی تأمین ایتکده بوکونکی اداره مزک اصلی
وظیفه لرندن در . معارف و کالتی بر حله ده بومهم
ایشه باشلامقله تورکیه معارف حیاتنده اک
مسعود بر انقلابی احضار ایتش اولویور .
بالوسيله شونی ده قید ایدیم که نشر ایدلمکده اولان
بورسالر آراسنده کندی ادبیاتمزه مائدا اولانلرده
واردر . ده کیل آنادولونک قویتو بر یرنده ،
حتی آنقره ده ، استانبولده ، از میرده بیله اسکی
یکی اثرلریمزی قولایجه تدارک ایتک غایت مشکل
وبعضاً همان همان غیر ممکندر : اساساً هیچ
طبع ایدیلنه یازمالردن صرف نظر ،
مثلا بوکون برباقی ، برنهی دیوانی ، بر حدیقه-
السعدا ، بر نعیما تاریخی ... بولق قولایجه قابل
اولامیور . بولوندینی زمان ده اهلکار بر طبعک
متادی یا کلیشلریله اوغراشلق مجبوری حاصل
اولویور . اسکیلردن صرف نظر دها یکی اثرلر ،
مثلا بر (رباب شکسته) تدارکی بیک مشکلاتله
حاصل اولمغه باشلادی . طبع ایدیلن رسالهلر
ایچنده نسخهلری اندر یازمالرده داخل اولدینی
حاله اسکی و یکی ادبی و فکری اثرلریمزده
واردر . تورک چوجوغنی ادبیات درسنده اسمی
کچن ، مثلاً شیخی نک ، احمد پاشانک ، سنان
پاشانک ، فضولینک ، باقینک ... حتی اولیا
جلینک ، نعیانک ... اثرلریله قولایجه قارشیللا-

شاجقندر . عینی زمانده بویوک فکر انقلابلری ،
ادبی مسلکلی ، ادبی نوعلری اطرافیه و بونلر حقنده
تورلو تورلو نقطه لری ، نظریه لری کویستهرن
رساله لرده ینه بومیانده موجوددر .
مختلف ملتله مائدا اثرلرک تاریخده ومنسوب
اولدینی ادبیاتده کی موقعنی تورک چوجوغنه آکلاتیق
ایچون آریجه بر « عمومی ادبیات تاریخی » ده ترجمه
ایدیلک اوزره در . بو اثر دلالتیه تا اسکی
یونان و لاتین ادبیاتلرندن بوکونه قادر آوروپانک
کچیردیکی ذکائی و حسی دورلر تورک طلبه سنک
کوزی اوکنده بولوناچقندر .
فقط مملکتله البته بو قاداری کافی ده کیلدر .
تورکیه نک هر طرفنده ، هیچ اولمازسه
شیمدیلك معین بویوک شهرلرده « عصری
کتبخانهلر » قطعاً لازمدر . اویله « عصری
کتبخانهلر » که یکی نسل اورالر کیتسین و کندیکنک
احتیاجنی تطمین ایده جک اثرلر بولسون . بو
کون واقعا بالخاصه استانبولده محتوالری اعتباریه
پک زنکین کتبخانه لریمز واردر . فقط بونلر
یالکیز علمله مشغول اولانلرک ایشنه یارار .
هیچ بری « خلق ایچون » ده کیلدر .
اورالر کرچه تا آوروپادن مطالعلر کلیور ،
بو حال اسکی کتبخانه لریمزک اهمیتنی کویسترر .
فقط اونوتولمالی در که کلن آداملر علمی ، تاریخی
تدقیقات ایله مشغول اولانلردر ؛ مثلاً آیاصوفیه ،
نور عثمانیه ، کوپرولو ، راغب پاشا ... کتبخانه لرینه
کیریکز ، یا بوم بوش بولورسکز ویا برکوشه ده
ایکی اوج کشینک ساکن ساکن اوقومقله ، نوط

فکر و افکاری

ترجمه لر، اقتباس لر

- کوستا و لوبوندن -

اطاعت بیلمه یی، قانونه رعایتکار اولایان برملتك مدینته واصل اولدینی کوستر تاریخى مثال یوقدر.

بر ملت آنجق استقراره مالک بر منظومه اخلاقیه صاحب اولدینی زماندرکه باربارلقدن چیقار. او اخلاقى غائب ایدر ایتمز ایسه دونه چکی برینه اسکی باربارلقدن.

بر ملتک اک بویوک قدرتی، ذهنی انکشافاتندن زیاده اخلاقى قوتنده اولدینی حرب عمومی بر کره داها اثبات ایتدی.

بوتون بشریتک تاریخى ایچنده آنجق جهان حربنده ایدی که نهائی طفرک آله ایدیلی، افرادک مقاومتی قادر قوماندانلرکده اهلینته متوقف بولوندی.

بدائی خلقتلرک صفت کاشف سی ایلک تأثر وانطباعه زبون اولقدن. حواسک صدماتنه کندینی قایدیرمایارق اولنره حاکم اولق وانکلزلرک اک بویوک حریت عد ایلدکری اداره نفس ملکه سینه صاحب بولونق ایچون اوزون وجدانی بر تربیه به احتیاج واردر.

محاربیلرک معنوی قوتی طرفندن مظهر مظاهرت اولاینج طویلر، تفنکر بوش بر سلاح منزله سنده دوشر.

اخلاقى قوتلرینی غائب ایتش بر قوم هان هریشی غائب ایتکه یاقلاشمش دیمکدر.

جهانی اداره ایدن اقتصادی ضرورتلره قانونلر و نظاملرله قارشى کلکه قالدیشق یک تهلیکلی برخطادر. بسط قافالی بر طاقم نظریه جیلرک تشویق ایلر بر قاچ سنده دیری دنیانک هر طرفنده وجوده کتیریلن تحدیدات مختلف ملترک صنایى، زراعى واقتصادی انکشافاتنه مانع تشکیل ایتکدن باشقه برشیته یارامادی.

انسانلرک عمومی اعتیاد و منفعتلرینه ضد اولان، بناء علیه عامه طرفندن مظهر رعایت اولامامسی طبعی بولونان قانونلر نشر ایتک، خلق نظرنده قانونک قوت و قدسیتی نزلله اوغرائق دیمکدر. حالبوکه بویوک مدنیتلری تقویه و ترصین ایدن اک بویوک عامل قانونه حرمت حیدر.

برخولیانک صاجه لانی او خولیایی بسله یی دماغی متأثر ایتز. نته کیم دینی ویا سیاسی بر اعتقادک عدم معقولیتندن بر معتقد اصلا تأثر دوبماز. خولیا ایلر

متقدمه کوره در. بوعتبارله (لوق) ک احساسیلتی یعنی روحی احساسلرک تشکیل ایتدیکی نظریه سی (لاپنیچ) طرفندن طبیعتله قبول ایدلیه جکدر. مونادلرک خارجه آجیلش هیچ بر بجه لرلی اولادیفنه کوره فکر لر مزده خارجه احساسلردن کله یوب تماماً و هییدر لر. (لاپنیچ) ک اللهه کلنجه بو، هر آن ایتلر مزه مداخله ایدن بر الله اولایوب هریشی اولدن قورولش و هیچ خطاسز ایشله یی بر قوتلر منظومه سنک صنعتکاری در. بونک ایچون آله هر آن ساعتی دوزله ایتکه اوغراشان بجرکز بر ساعتی دکل، بلکه مکمل و قصورسز بر صنعتکاردر. کائناتی اویله تنظیم ایتمدرکه هر آن ایشلره قاریشقی شویله دورسون هیچ بر زمان قاریشماز. (لاپنیچ)، آله سی بوصورته تلقی ایتکه تا کرینک و کالتی و ایشده مداخله سنی مدافعه ایدن پایالغه قارشى (لوتهر) ک عصیانى تحکیم ایتش اولور. بوالله، الهیاتجیلرک دوشوندکری صورته دیله دیکی یایان دکل، اولجه وضع ایتدیکی مکمل بر قانون ایلر مقید اولان مشروطی بر حکمدار کیدر. بو قانون ده اللهک طبیعتنده مندیج اولدینی ایچون کائناتی تدویرده خارجه بر جبر و قوته دکل ذکاسنک ازلی و ابدی اولان بر قانوننه توفیق حرکت ایتمدر. کورولورکه (۱۷) نجی عصر آلمانیا سنک اک

بویوک متفکری غیر شعوری بر رویت کشف و حتی بلکه ده (لوق) ک تأثیر یله ترانسفورمیزی تأکید ایتک [(لوق) ک «بشرمدرکه سی حقدنه کی تجربه قلبیه» سینه قارشى یازدینی «بشرمدرکه سی حقدنه یکی تجربه قلبیه» ده : «حیوان نوعلری محتلدرکه کائناتک هر هانکی بر زمان و محلنده زمانزده اولدیفندن جوق ده زیاده تحوله تابع اولاجقدن ویا اولش، یاخودده اولوردر. آرسلان، قاپلان، واشاق کبی کدی به بکزی بر طاقم حیوانلرک اسکی بر نوع کدی عرقندن نشأت ایتش اوله لرلی ممکندر. دفعاتله تکرار ایتدیکم کبی یته دهرم که بزم فیزیک نوعلری تعیین و تقدیر لر مز بیلکیلر مزله متناسب و موقتدر»] و مونادلر آراسنده اصغر نامتناهیدن اعظم نامتناهی به قادر اصغری تفاضلرله بر تسلسلی یعنی حادثه لر آراسنده

هان فاصله سز بر دیمومت Continuité تصور ایلک کبی مهم بر طاقم یکیلر ک کوسترملرک برابر توجه و نظریی ماضیدن آیروب استقباله توجه ایتش دکلدر. منسوب اولدینی جمیعت معاصرلق خصوصنده فرانسز و انکلز جمیعتلرندن کری اولدینی حالده مطامره دنیا.

لرینک اک ایسی اولاره دنیا مزده هر شئیک دها آبی اولم ایچوره موجود بولونمیزیفه قانع اولدینی ایچون استقبالدن آمیندر. (لاپنیچ)، ماده و معنأ مسعود یا شامش بر آدام اولق اعتبار یله بونیکینلک قسماً شخصندن، قسماً ده محافظه کار و متوازن اولان (۱۷) نجی عصر دن کلکده در. الحاصل یوقاریدنبری عرض ایتدیکم سبیلر اون بدنجی عصر آلمانیا سنک ترقی فکر و جریانلرینه قارشى اولان علاقه سز لغنی کوسترملرک کافیدر طنیلر (۱۸) نجی عصره کچمک ایستبورم.

مصطفی شکب

شیلر، مبهم برادرک، جهدک محوس بر تظاهری، برکله ایلر غیرمادی درلر. اونجه ادراک، بوتون موجوداتده واردر. بناء علیه انساندن دون اولان موجوداتک در شومر دکلمینی سوبله مک عبثدر. هرشی دوشونور. یالکز آرالرنده درجه فرقی بولونور. ادراکک نامتناهی درجه لرلی اولدینی ایچون ادراکک حصولی ایچون احساسک بولونمسی ضروری دکلدر. سافل مخلوقلرک ادراکلری نامتناهی درجه ده کوچوک، مظلم، غیر شعوریدر. انسانک ادراکده بالعکس ایدین و شعوریدر. ایشته سافل و عالی موجودات آراسنده کی بوتون فرق.

مونادلرک کندندن باشقه سنی کوره جک هیچ بر بجه سی بولونمادیفه کوره هر موناد یالکز کندینی کوره جک دیمکدر. بونک ایچون هیچ بر موناد دنیایی اولدینی کبی کورمز و بیلمز. بزم دنیا دیدیکمزشی کندیمزده کچن شیلرک غیراختیاری بر معکسندن باشقه برشی دکلدر. کندی خارجه زده کچن شیلری بالواسطه بیلمه مزه کلنجه بونکده سبی بوتون مونادلرک کائناتک درجه درجه تمثالی اولالرننددر. بناء علیه بویوک دنیاده کچن شیلرک میناتور طرزنده بررتمثالی بزم دنیا مزده ده واردر. بوعتبارله کندیمزی نه قادر آبی کورور و طانیرساق بویوک دنیا به ده اونسبتده نفوذ ایدر ز. انسان روحک کائنات حقدنه داها آیدین و سه چیلی بر فکره صاحب اولماسی حیوان و نبات روحلرندن ده اصادق و ده اصحیح بر صورتده کائناتک بر مثال ی اولاسندندر.

آلمانیا اون بدنجی عصرده هنوز دیندار اولدینی و بویوک صنایع دورسندن اوزاق بولوندینی ایچون (لاپنیچ)، تئولوژی ایلر فلسفه یی باریشدیرمق طرفداریدر. بونک ایچون خرسیتیان تئولوژی سنک قبول ایتدیکی سلسله مراتب عقیده سنی (لاپنیچ) ک مونادلرنده ده کورورز. بوفیلوسوفه کوره مونادلر، بویوک عالمی یعنی کائناتی تمثیل خصوصنده درجه درجه درلر. باشقه بر تعبیرله مونادلر درجه درجه مکملدرلر. بونلر آراسنده اک مکمل اولانلر حاکم، دیگرلری ده اطاعت ایدر. ذوی الحیاتک روحی، مونادلردر. روح و بدن دیدیکمز شیلرده حاکم و مطیع مونادلردن باشقه برشی دکلدرلر. یالکز هر موناد مختار اولدیفنه کوره باش مونادلرک حاکمیتی ایده ال بر حاکمیت اولدینی کبی خدمتکار مونادلرک اطاعتلری ده اسارتکارانه دکل، تماماً بنفیه یی طبیعی ماهیتلرینک مجبور ایتدیکی بر اطاعتدر. یالکز جاداتده کی موناد. لوده حاکم موناد یوقدر. بونکله برابر جانلیدر. جانسز کورونملری کندیلرینی ترکیب ایدن مونادلر آراسنده حاکم بر مونادک بولونمسی و بوتون مونادلرک بر سوبده اوله لرلی دولایسیله آرالرنده موازنه اولدیفنددر.

مونادلر بر لر یله بر آهنگک مقدم دایره سنده مناسبتدار اولدقلرینه نظراً روح ایلر بدن آراسنده کی مناسبتلرده حاکم مونادلرک مطیع مونادلره و یا مطیع مونادلرک حاکم مونادلره تأثیر یله اولایوب بر آهنگ

كرك عوام ناسك و كرك بسط قافلي انسانلرك مالك اولدقلى وصف مشترك شودركه بونلرك هرايكسى ده حالده كي وقاعدن شدتله متأثر اولدقلى حالده او وقايعك اك غير قابل اجتناب نتيجه لرندن بك آرز تأثر دويارلر.

حدس نامى و يريلن ادراك و تفحص طرزي سايه سنده دركه قادينلر جوق دفعه عقل مجردك منطقله استخراج ايده مديكي نتيجه لري كشف ايدرلر.

حدس واسطه سيله يقين حاصل ايتديكمز خصوصلرك حقيقتيه موافق اولوب اولاديغنى اثبات ايده جك عنصرينه عقلدر شو حالده ذكلك حدسه بر لازم غير مفارق اولديني ميدانه ديمكدر.

حس ايله ذكا اولدنبري بربرندن آيريلمايان ايكي آرقداشدر. فقط نه يازيق كه بو ايكي آرقداش خلقت عالمدين بري بردرلو يكديكريله آكلاشمايور.

محيطمزده كي انسانلر اوزرينه اجراي تأثيراتكم خصوصنده اونلرك ضعف و نقصانلرني بيلمك مزيت و فضيلتيرينه واقف اولقندن داها فائده ليدر.

بربريني طائيمان و يكديكريندن، وقعا اوزاق بولنان قوملر آراسنده (محبت، تقابل، قولايقله تأسس ايدر. فقط بو ايكي عنصر بركره يان يانه كلديمي، آرالرنده كي حس، فكر و اعتقاد فرقلي اورتايه جيقار و ميانده كي صميميت زائل اولووير.

اشيا و حادثات حقنده كي فكرلرمن، حادثات و اشيانك تكاملي ايله ده كيشمك ايجاب ايدر. فكرلري لايتغير اولانلر يالكز جاهلردر.

تاريخ كتابلري هر شيدن زياده مؤلفلرينك مزاج و اعتقادلريني كوسترر.

ده موقراسيلرك ترقيسي بين الملل كين و خصوصتلي آزالتي شويله دورسون كوندن كونه آرتيريور. سياسي تأسيسات و تشكيلاتده كي دكيشمكلرك بر ملتك حياتي اوزرنده كي تأثيري بك ضعيف اولديغنى آكلامه من ايجون بللي كه ده ا بك جوق اختلالر لازم كله جك. بر ملتك تاريخني او ملتك مؤسسائي دكل، ذهني وجوده كتيرر.

دني اعتقادلردا زواله محكومدر. حالوكه فني حقيقتلرك حياتي دوام ايديريور. او قلبد ايله آرشيمدك كشف و افاده ايتدكلري حقايق حالايكي بيك سنه اولكي قيمتلي محافظه ايديريورلر.

اثبات ايدلش بر حقيقتك قبول ايديلن بر حقيقت حاله كلسي بعضاً جوق زمانه متوققدر.

فاضل احمد

ماضي

بر سوء قصده اوغرايان عشقميله شيمدي بن؛ كچدكه بويله هر كچه سسز بو جاده دن قارشيمده جانلانيرده او ماضي دينن خيال، قابلاز بوتون وجودمي بر مفترس ملال. نسيان دينن او سيم سياه اورتويله اورتولو. ماضي، او كمده صاب صاري رنگيله بر اولو. ماضي، او بر جنازه كه بكره او نازه يه، قلمده كومديكم او آلهي جنازه يه... عشقم كه، بر فيلر كي تازه يدي تازه دن، ريمدن انكشافني بنم نياز ايدن. بر كيزلي سوء قصد ايله بر كون قيوپ اولوم. اولدوردى.. اويدي قلبه ياشلرله كومديكم. كچمشدي عمري هب بو يول اوستنده عشقمك، باغرمده اضطرابي ياقان بر قيوپلجيمك.

اولمشدي او كچه حسمه ملجا بوره كدر، بر عمره صوكرامدن اولان تره در بور. ييللرجه چكديكم او صرارتلي عشقي بن، دويدمدي هب بورده.. كچركن بو جاده دن. ييللرجه بويله زهريني طاندم اوزون اوزون هر كون او بارچا بارچا اولان حسي روحك اك اينجه تللرنده اميدمدي ايكله بن. خج اومدمن بويوله توكتدم بر عمري بن: هر كون آجيلدي عزت نغمده بر يارا، بوكسلدي برده برده ائينم افقرله... بر كون بر آل قيرنجه جليكدن غورومي، غايب ايتدم آنسزين يارالانمش شعورمي، لغت، ديدم، خيانه صامش اوصولفونه، لغت اصيل المله بيكانه روحه... عمرم، بو حيله گچمه ده ماپوس، اوزوننتولو.. برسام يليله چونكه وقتسز صولان كلي، كيتدكه بوسوتون داغلوب بارچالانغاده، باغرمه شيمدي يالكز او حسرتله باغاده...

كچدكه شيمدي هر كچه سسز بو جاده دن، ماضي - دوياركن عطشي هر آن ايجمه بن - كيريكلمه - گوزياشي حالنده طولانير. ماضي كه، هر كورن اوني بر تره در صانير، بر كيزلي تره در كه او، قلبده در يري.. اولگون ضياستك اوزانيركن عكسلي هر آن يارين ديدكلري مجهول افقرله، صيرلار دورور ايجمه او حسرت دينن يارا...

ماضي، اوشيمدي بر سياه اورتويله اورتولو، عشقم، اوشيمدي صاب صاري رنگيله بر اولو..

۲۱ - تيز - ۱۹۲۱

رفقي ملول

اعتقادك مالك اولديني مشترك وصف شودركه هرايكسى اوزرينه ده عقل و محاسنه اجراي تأثير ايده من. انسانلرده موجود بالمله احتراصلري معبودلره ده عطف ايتكله دين و مذهب واضعلري بك عاقلانه حركت ايتش اولديلر. اكر بوكيلرك تصور ايتدكلري الهلر طبعي انسانلركي قيصقايغ، سيكرلي و انتماجو كورونويورلر سه بو كيفيت ضروريدر. زيرا او معبودلر انسانلره باشقه طرز و خلقتده اراثه ايدلش اولسه لردى، هيچ كيمه يي جذب و تسخير ايده منلردى!

هرهانكي بر اعتقادك حكم و تأثيرينه تابع بر آدم، كندى قدرتي داها آرمش كورور. اونك ايجون ايمان انسانلر اوزرنده داها اك قادر بر فعاليت عاملي اولمشدر. ايمان طاغلري يرندن اوينتير دينلير جوق دوغري سويله يورلر.

بوتون معتقدلر اعتقاد ايتدكلري معبوده بالذات كنديلرينك مالك اولدقلى سجه لري عطف و اسناد ايدرلر. مثلاً فطره ساكن و حلیم اولان هنرورلر (بودا) يده خلقتلرنده كي اعتدال و مسامحه پرورلك صفتي و برديلر. قارطاجه ليلر و خريستيانلرله يهوديلر ايسه معبودلرينه كندى روحلرنده مندرج اولان انتماپرورلك روحي اضافه ايتديلر.

معبودلر، انسانلرك عيني ماهيتي هيچ بر زمان دكيشمه يي وهم و خيالنندن دوغدقلى و هروقت عيني رولى اوينامغه نامزد بولوندقلى جهتله بونلر آراسنده بر سلسله مراتب ترتيبنه قالفيشمق عبثدر.

هردرلو اسرار آميز تأثيردن آزاده بر مدنيت عجا موجود اولاييلرمي؟ مجهول! هر حالده شيمدي به قادر كره ارض اوزرنده بويله برشي ظهور ايتمدي!

هيچ بر ملت معبودسز، يعنى ايده آل سز ياشا. مامشدر. هرهانكي بر زمانده موجود و حاكم قناعتلره اعتقادلري ده و برنشي، عقل و حكمت دكل، زمانك اجرا ايتديكي تخرياتدر. بوقسه ييقيلان بر معبودك معبدى هيچ بر زمان بوش قالماز!

ملتلك تاريخلرينه داها او ملتلك الهلري حاكم اولاكلشدر. شيمديكي زمانده بو تأثيرينه اولكي كي بردوام. آنجق معبودلر اسم دكيشد برديلر. اسكي اعتقادلرك بريني شيمدي يكي بر طاقم فكرلر ضبط ايتدى. اويله فكرلرك طرفدارلري اولنره طبق اسكي اقوامك معبودلرينه عطف ايتدكلري قدرت و اهميتي اضافه ايليورلر.

انسانلر، سوق ايدنلرله سوق اولونانلردن مركب ايكي مقوله تشكيل ايدرلر. اكثريت داها ايكنجي صنف منسوبينده در.

بر فردك سهو و خطاسنه بوتون عالم اشتراك ايدنجه اوحطاً بر حقيقت يرينه كچر. اوندن صوكره ده اك معقول دليللر بيله او ذهابي يرندن اوينانماز.